



Menntamálaráðuneytið	
Ab.	R-1
- 6. mars 2008	
Tilv:MMR	07100362
Db.	10.2

Menntamálaráðuneytið
Þorgerður Katrín Gunnarsdóttir
menntamálaráðherra
Sölvhólgötu 4
150 Reykjavík

Akureyri, 3. mars 2008

Tilv.: 0802021

Efni: Viðbrögð við efni skýrslu og umsagnir sérfræðinganevndar menntamálaráðuneytis vegna viðurkenningar á félagsvísindum.

Háskólanum á Akureyri hefur borist beiðni frá menntamálaráðuneytinu í bréfi dagsettu 8. febrúar 2008 þar sem óskað er, með vísan til 13. gr. stjórnisýslulaga nr. 37/1993, að háskólinn skili athugasemdum sínum við efni skýrslu og umsagnir sérfræðinganevndar um félagsvísindi. Er það í framhaldi af umsókn háskólans um viðurkenningu á fræðasviðinu á grundvelli 3. gr. laga um háskóla nr. 63/2006 og send var menntamálaráðuneytinu þann 1. september 2007. Aðild að umsókn háskólans um viðurkenningu á félagsvísindum áttu þrjár deildir þ.e. kennaradeild, félagsvísinda- og lagadeild og viðskiptafræði í viðskipta- og raunvísindadeild. Allar deildirnar hafa átt þess kost að gera athugasemdir við drög skýrslunnar á fyrri stigum.

Skýrslan hefur verið til umræðu og umfjöllunar sem trúnaðarmál á fundum háskólaráðs, framkvæmdastjórnar og viðkomandi deildarforseta háskólans að undanfögnu og er hún að áliti allra vel unnin og hin gagnlegasta fyrir háskólann. Menn innan háskólans eru ánægðir með mjög jákvæða umsögn um kennslu og rannsóknir við háskólann þar sem fram kemur að hann standist þær kröfur sem til hans eru gerðar og fari jafnvel fram úr þeim. Fjarkennslan, sem er umtalsverð við Háskólann á Akureyri, fær einnig jákvæða umsögn og sérstaklega sú stefna að vinna náið með símenntunarmiðstöðvunum um land allt og skapa nemendum þar vinnuástöðu. Það er mikil hvatning fyrir ungan háskóla sem er í örri uppbyggingu að fá slík ummæli. Gagnlegar ábendingar sérfræðinganevndarinnar og í sumum tilvikum varnaðarorð verða einnig höfð að leiðarljósi við umbætur innan háskólans.

Stefna Háskólans á Akureyri 2007-2011 var samþykkt í háskólaráði 26. febrúar 2007. Í kjölfar þeirrar stefnumörkunar var þann 18. desember 2007 undirritaður samningur á milli menntamálaráðuneytis og háskólans um kennslu og rannsóknir sem gildir til ársloka 2010.

Samningurinn geymir helstu áherslur í starfsemi HA á samningstímanum og er sameiginlegt markmið samningsaðila að skapa forsendur fyrir því að háskólinn öðlist viðurkenningu sem háskóli á heimsælikvarða á skilgreindum fræðasviðum. Til að ná fram þessu markmiði hyggjast menntamálaráðuneyti og HA vinna saman að




Skrifstofa rektors

margvíslegum áherslum á samningstímanum sem nánar eru tilgreind í samningnum. Með samningnum fylgir einnig ítarleg áætlun þar sem helstu aðgerðir, mælikvarðar og viðmið eru sett fram með skýrum hætti til að tryggja eftirfylgni með samningnum. Á samningstímanum mun Háskólinn á Akureyri endurskoða skipulag háskólans í heild með það að markmiði að styrkja faglegan grundvöll fræðastarfseminnar. Þannig verði skapaðar enn öflugri og sjálfstæðari meginæiningar innan háskólans þar sem í boði er framúrskarandi nám og stundaðar rannsóknir sem skapa eftirsóknaverða þekkingu á alþjóðavísu. Jafnframt mun HA halda áfram að byggja upp krefjandi og styðjandi námsumhverfi fyrir nemendur og starfa í virkum tengslum við samfélagið hvort sem er heima eða á heimsvísu. Þá mun HA afla sér viðurkenningar á þeim fræðasviðum sem skólinn starfar á. Með þeim umsóknum sem fram hafa verið lagðar fyrir fræðasvið auðlindavísinda, félagsvísinda, og heilbrigðisvísinda og sem nú hafa hlotið mjög jákvæðan dóm sérfræðinga telur Háskólinn á Akureyri sig hafa uppfyllt markmiðið fyrir öll fræðasvið sem starfsemi hans nær til.

Háskólinn á Akureyri, háskólaráð, framkvæmdastjórn og starfsmenn allir þakka menntamálaráðuneytinu, sérfræðinganeftundunum og starfsmönnum Rannís fyrir gott samstarf við verkefni sem var stórt í sniðum og fjöldi manna kom að. Verkefnið reyndi á samhæfingu og samstarf innan háskólans og eflði meðvitund allra starfsmanna hans um gæði í starfseminni og hvað það er sem skapar þau. Viðurkenningarferlið hefur eflt háskólann og styrkt starfsfólk hans í þeirri trú að Háskólinn á Akureyri hefur náð miklum árangri og hefur mikilvægu hlutverki að gegna í framtíðinni.

Bréfi þessu fylgja einnig viðbrögð deildarforseta félagsvísinda- og lagadeildar og viðskipta- og raunvísindadeildar.

Virðingarfyllst,


Þorsteinn Gunnarsson, rektor